

SIUNNERSUUT

**KOMMUNIMUT PILERSAARUMMUT TAPILIUSSAQ
4B10-1 SISOARTARFIUP AVANNAATUNGAANI
IMMIKKOORTOQ INUUSSUTISSARSIUTEQARFIK, NUUK
SEPTEMBARI – 2025**



KOMMUNEQARFIK SERMERSSOOQ

Sanarfinermut Avatangiiisnullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq tassaavoq ingerlaavartumik suliarineqartartoq, taamaattumik kommunalbestyrelse Pilersaarusiornermut inatsit naapertorlugu (Pilersaarusiorneq aamma nunaminertat atorineqartarnerat pillugit Inatsisartut inatsisissaannik Namminersorlutik Oqartussat nalunaarutaat nr. 4, 25. januar 2024-meersoq) pisussaavoq, kommunimut pilersaarut pisariaqartutigit malinnaatitsissalluni. Nutarterineq taanna ingerlanneqartarpoq kommunip pilersaarutaanut allannguutiniq pineqartunik imaluunniit pilersaarummut ilassutissanik nutartikkanik ilanngussuarnikkut.

Kommunimut pilersaarummut ilassutip pigilerneratigit immikkoortup ilaanut pineqartumut najoqqutassatut aalajangersakkat allanngortinneqassapput, najukkamilu pilersaarutit pilersinneri taamaallaat immikkoortup ilaani immikkoortumut sukumiisumik aalajangersakkanut allannguissalluni.

Kommunalbestyrelse kommunimut pilersaarummut tapiliussamik imaluunniit illqoarfimmut pilersaarummik nunaminertamik atuinnissamut sanaartukkanullu tunngasunik aalajangersagartalimmik sukkulluunniit suliaqarsinnaatitaavoq. Tassunga atatillugu Kommunalbestyrelse illoqarfimmut pilersaarummik sukumiisumik aalajangersagartalimmik pilersaarusiortussaataitaavoq:

- Nuna tamakkerlugu pilersaarusiornereq kommunillu pilersaarusiornereqat piviunngortinnissaanut qulakkeerinissaq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinnginnermi.
- Sanaartukkanik anginerusunut pingaaruteqarnerusunilluunniit isaterilinnginnermi.

Pilersaarummi uani tunngavigineqartut marluupput, **NASSUIAAT** aamma **AALAJANGERSAKKANUT TUNNGASUT**.

- **NASSUIAATITAA** kommunimut pilersaarummut siunertanik aamma inatsisitigit sunniutiniq, aamma pilersaarut pilersaarusiornernut allanut sanilliullugu qanoq inissisimanersoq nassuiaammik imaqarpoq.
- **AALAJANGERSAKKANUT TUNNGASORTAI** aalajangersakkanik pilersaarummik piviunngortitsinnermi malinneqartussanik imaqarpoq. Aalajangersakkat aalajangersakkanut pingaarnernut aamma aalajangersakkanut sukumiisunut avitaapput. Illoqarfimmi pilersaarutitut kommunimut pilersaarummi pingaarnertut najoqqutassatut aalajangersakkat allaqqapput. Aalajangersakkat tamarmik inatsisitigit pituttuisuupput, taamaattoorli pissutsini immikkut ittuni, sumiiffimmut pilersaarummi aalajangersakkanit sukumiisunit immikkut akuersissummik tunniussisoqarsinnaavoq. Tamatuma saniatigit aalajangersakkat pillugit immikkoortoq inatsisitigit pituttuisunik ilanngussanik nunap assitaqarpoq.

TAMANUT SAQQUMMIUSSINEQ

Kommunimut pilersaarummut tapiliussap inaarutaasumik akuersissutigineqannginnerani kommunalbestyrelsimut tapiliussassatut siunnersuut tamanut nalunaarutigineqassaaq, taamaalillutik innuttaasut soqutiginnittullu allat pilersaarutip imarisaanik paasisaqarsinnaaniassammata immaqalu aamma pilersaarut pillugu oqaaseqaateqarsinnaallutik akerliussuteqarsinnaallutilluunniit. Tamatuma kingorna pilersaarutip inaarutaasumik akuersissutigineqannginnerani kommunalbestyrelsip akerliliissutaasinnaasut allannguutissatullu siunnersuutaasinnaasut nalilersussavai.

Una kommunimut pilersaarummut tapiliussassatut siunnersuut 4B10-1, Nuuk tamanut tusarniaassutigineqarpoq piffissami **10. septembari – 5. novembari 2025**. Oqaaseqaatit kingusinnerpaamik ulloq 5. novembari 2025 nassiunneqarsimassapput uunga:

plan@sermersooq.gl

PILERSAARUT SUMI ATUARNEQARSINNAAVA?


Pilersaarut kommunip nittartagaani www.kp.sermersooq.gl-mi atuarneqarsinnaavoq, imaluunniit Sanarfinermut Avatangiisinullu Ingerlatsivimmut imaluunniit plan@sermersooq.gl-mut saaffiginninnikkut pilersaarut tunniunneqarsinnaavoq.

IMARISAA

1. NASSUIAAT	5
1.1 PILERSAARUSIORFIK	5
1.2 SIUNERTAQ TUNNGAVIILLU	6
1.3 PISSUTSIT PIOREERSUT	7
1.4 PILERSAARUMMIT PINGAARNERIT	8
1.5 PILERSAARUSIANUT ALLANUT TUNNGATILLUGU PISSUTSIT	12
1.6 PILERSAARUTIP INATSISITIGUT ATUUFFII	13
2. AALAJANGERSAKKAT	15
3. AKUERSISSUTEQARNERMI ATSIORNERIT	24
4. ILANNGUSSAT	25

1. NASSUIAAT

1.1 PILERSAARUSIORFIK



Takussutissiaq 1: Immikkoortup ilaa 4B10, aamma Nuummi inuussutissarsuteqarfik

Kommunimut pilersaarummut tapiliussaq una 2024-mi oktobarip ulluisa arfineq-pingajuanni *Ujaqgerivik aamma inuussutissarsuteqarfik* kommunalbestyrelsemit akuersissutigineqartumi immikkoortup ilaa nutaaq 4B10 aalajangersarneqarpoq.

Pilersaarusiorfik Quassussuup avannaata sinaatungaani, mittarfiup immikkoortup 3E5-ip avannaata kangiatungaani Anstaltillu immikkoortup 4C2-p kujataata kitaatungaani inissisimavoq.

1.2 SIUNERTAQ TUNNGAVIILLU

Nuuk maannakkut annertuumik siuariartorlunilu ineriartorpoq. Illoqarfiit pingaarnersaanni sanaartor-toqarnerujussuit kingunerisaannik ujaqqat, ujaqqanik aserorterutit sioqqallu piumaneqarput. illoqarfiit pingaarnersaanni alliartuinnartumi illoqarfiup ineriartornerata kingunerisaanik inuussutissarsiornermut nunaminertat amigaataalerput. Kommunimut piler-saarummut tapiliussap taamaalilluni siunertaraa, inuiaqatigiinnut pitsaasumik kinguneqartussamik u-jaqquvimmuut nunaminertamik atugassiinissaq kingornalu inuussutissarsiuteqarfinngortillugu.

Pilersaarusiorneq aamma nunaminertat atornerqarnerat pillugit Inatsisartut inatsisaat nr. 4, 25. januar 2024-meersoq naapertorlugu pilersaarutitut qinnuteqaat *Ujaqquvivik aamma inuussutissarsiuteqarfik* tunngavigalugu kommunimut pilersaarummut tapiliussaq suliarineqarpoq. Inatsimmi § 45 a naapertor-lugu kommunimut pilersaarummut tapiliussassatut siunnersuut pitinnagu qinnuteqartoq nunaminerta-mik ukiuni marlunni atuinnissaanut inniminniinissaq kommunalbestyrelsimut periarfissaqartinneqarpoq. Pisuni taama ittuni pilersaarut piviusunngortinniarlugu qinnuteqartoq kommunimut pilersaarutit pisarial-lit oqartussaaffeqarfirmilu pilersaarutit suliarissavai.

Pilersaarutitut qinnuteqaat kommunalbestyrelsimut ulloq 8. oktobari 2024-mi akuersissutigineqarpoq kommunimullu pilersaarummut tapiliussat 4B10-1 una pilersaarutit piviusunngortinneqarnissaanut suliarineqarpoq.

Pilersaarummi siunertat tunngaviillu

- Atuinertaa inuussutissarsiuteqarnermi siunertamut aalajangersassallugu
- Immikkoortup ilaa 4B10 immikkuualuttunut A-mut B-mullu agguataassallugu
- Immikkuualuttoq A-mi sanaartorfissat qulit utaqquisaasumik ujaqquvivimmiit inuussutissarsiuteqarnermmi nunaminertanut allanngortitatut atugassanngussallugit
- Ujaqquvivuup aamma immikkuualuttoq D 3E5-imi akornanni nunataata pissusissamisoorumik manissumillu pinissaa qulakkeerneqassasoq
- Immikkuualuttoq A-mi sukisaarsarnermi aqqusineeqqat kiisalu immikkoortoq sanioqqullugu aqquteqarnissaat imaluunniit allanngortinneqarnissaat pilersaarummik piginnittumit qulakkeerneqassasoq
- Kuanninnguit / Isertitsiviup eqqaanni kaajallattariamiit immikkoortup ilaanut aqquteqarnissamik kiisalu aqqusineeraqarnissamik atugassiisoqassasoq

1.3 PISSUTSIT PIOREERSUT

Immikkoortup ilaa Nuup killingani avannaata kangiata tungaani nunap timaata killingani inissisimavoq. Immikkoortup ilaata eqqaaniipput anstalti, antenneqarfik, paassaasivik aamma sukisaarsarfik Kuanninnguit avannamut kangiata tungaani. Mittarfik kitaaniippoq inuussutissarsiteqarfillu 4B4 avannaaniilluni. Quassussuaq ukioq kaajallallugu sukisaarsarfittut ilaatigut pisuttuartunit ukiuuneranilu sisorartartunit qamuteralattartunillu atorneqartartoq immikkoortup ilaata kujataaniippoq.

Immikkoortup ilaa sivingasumik qaqqartaqarpoq. Ukiuunerani immikkoortup kangiata tungaatigut qamuteralannut aqut atorneqartarpoq, taamaanngikkaangat immikkootup ilaa sukisaarsarnermut siunertamut killilimmik atorneqartarpoq.



Takussutissiaq 3: Immikkoortup ilaa, avannamut isikkivik



Takussutissiaq 4: Immikkoortup ilaa, kujammut isikkivik



Takussutissiaq 5: Antenneqarfik, Kuanninnguit aamma Anstalti

Immikkoortumik ukiuni kingullerni qulini sorpassuarnik pisoqarpoq. Siullermik anstaltilliorneq, kingorna paassaasivik, antenneqqarfik, utaqqiisaasumik ujaqquerivik aamma aatsitassarsiornermut umiarsualivik nutaaq maanna ingerlanneqartoq. Mittarfittaap tamassumalu suliarineqarnera ilaatigut immikkoortup ilaani 3E5-imi nutaamik aqqusiornissamut annertuumik qaartiterisoqarpoq immikkoortumi erseqqissumik takuneqarsinnaallutik.

Immikkoortup ilaa 4B10 inuussutissarsiuteqarfiit 3E5 Nuummi Mittarfik aamma 4B4 Inuussutissarsiuteqarfik mittarfiup avannaata kangiatungaani inissisimavoq. Pilersaarusiornermi 4B10-mi ujaqqueriviup taavalu immikkoortup ilaata 3E5-imi immikkuualuttup D-p kitaatungaaniittup akornanni nunataa taamaatsiinnarlugu manissoq qulakkeerneqarsinnaavoq.


1.4 PILERSAARUMMIT PINGAARNERIT

ALLAATIGINNINNEQ


Kommunimut pilersaarummut tapiliussaq immikkoortup ilaa 22 ha-imik angissuseqarpoq, taannalu inuussutissarsiuteqarfittut utaqqiisaasumik ujaqquerivittalimmut atugassanngortinneqarpoq.

Immikkuualuttooq A sanaartorfissanut qulinut agguataagaassaaq, ilaatigullu immikkoortukkaartumik ujaqquerivimmiit inuussutissarsiuteqarfimmut allanngortikkiartorneqassaaq. Ujaqquerivik sanaartorfissani 1-imi 2-milu immikkoortup avatannaata tungaaniit aallartinneqassaaq piffissalu ingerlanerani kujammut saatsikkiarttuaarneqassalluni. Inuussutissarsiutinut nunaminertat ataavartumik sanaartorfissagissarneqartassapput atuuffissaannullu piareersarneqartassallutik. Inuussutissarsiutinut nunaminertat atulerneqarnissaat aatsaat pisinnaavoq, suliffeqarfinnik sanaartorfissatut atugassiaritinnegartuni inissinissamullu nunaminertanut attuumassuteqartuni illersorsinnaasumik isumannaatsumillu tassaniittoqalersinnaalerpat ingerlatsisoqarsinnaalerpallu.


Aqquserngup annertussusaa 50 %-imiissaaq inissallu annertussusaa 25 %-imiissaaq.




Takussutissiaq 6 Immikkoortukkaartumik alliliineq



Takussutissiaq 7 Avillugu takissuseq AA (Tunngaviusoq)



Takussutissiaq 8 Akimorlugu avinnera BB aqqusinertaa ilanngullugu (Tunngaviusoq)



Takussutissiaq 9 Takissusaa CC (Tunngaviusoq)

NUNATAA

Immikkoortup ilaata annerpaartaa qaqqaaavoq, ukiukkut amerlasuutigut aputeqangaatsiartarpoq. Tamatuma kingunerisaanik immikkoortup imaarsartarnissaanut pilersarusiortoqartariaqarpoq. Immikkuualuttumi kangiaata kitaatalu killingi sinerlugit kiisalu aqqusernit illuttut kussineqartinneqassapput. Kussineqartillugu immikkoortoq imaarsarneqarnissaanut kuserngit aalajangiisuussapput, pingaartumik aattulernerani aput aatsillugu qarsutsineqarsinnaagami neruineqarsinnaallunilu. Ilanngussaq 2 takuuk.


Immikkoortup ujarattai aserorterneqartillugit, qaqqap sivingasortaata kangimut kujammullu manissuunissaa anguniarlugu immikkut iliuuseqarfigineqassaaq. Siunissami ungasinnerusumi kimmud ujaqqanik aserorterineq immikkoortup ilaanut 3E5-5-imut ikaarsaarnera nalinginnaasunngussaaq, pissutigalugu pilersaarutit marluusut qaartiteriffigineqarneri pilersaarutaasut malillugit imminnut naapisinneqassagamik. Tamanna sanaartorfiusumiit eqqaani pinngortitamut ikaarsarneq ataqatigiissumik nalinginnaasumillu pissasoq qulakkeerneqassaaq (takuuk ilanngussaq 2). Inuussutissarsiuqarfik isumannaallisaaneq eqqarsaatigalgu ungalulersorneqarumaarpoq.

SANAARTUKKAT AAMMA ILUSAAT

Immikkuualuttooq A-mi sanaartukkat portussusaat nunataata naammassisaniit 15 meterit tungaannut portussuseqassapput. Immikkoortup suliarineqarnerani eqaassuseq qulakkeerniarlugu, sanaartorfissat pisariaqartitsineq naapertorlugu ataatsimoortinneqarsinnaassapput.

Immikkoortup ilaa 4B10 pinngortitami kusanartumi inissisimavoq, taamaattumik illut sanaartornerini siunissami atuisussat eqqarsaatigalugit isikkumikkut kusanartuunissaat atuuffiilu pitsaasuunissaat pingaaruteqarpoq. Illut sammivii kimmud kangimut sammitinneqassapput, pilersaarummullu pingaarnertut aaqqiissutitaa nunataanut manissumut ilusissaata takutinnissaanut tunngaviliisuussaaq. Ilanngussaq 3-mi ilusilersugaq takuuk.

Inuussutissarsiuqarfiup nutaap, eqqaani nunataata aamma Anstaltip eqqaani sanaartukkat pioreersut akornanni ataqatigiissuunissaaq anguniarlugu, qalipaatinik toqqaanerup, atortussat qanorlu ittuussusai ataqatigiissapput. Sanaartukkat nutaat sapinngisamik pitsaanerpaamik naleqqussarneqassapput. Sanaartukkat illungiimmik uingasuussapput.



Takussutissiaq 8 Kangimut inuussutissarsiuqarfik nutaag aamma anstalti



Takussutissiaq 9: Sanaartukkani pioreersuni qalipaait, Anstalti

ANGALLANNERMI PISSUTSIT

Immikkoortup ilaa Kuanninnguanut / Isertitsiviit eqqaanniit kaajallattarissamit aqquteqartinneqassaaq. Pilersaarutaasutut aqqusineq avannamut kujammullu qitiusumik sammisoq immikkoortup ilaatigoortinneqassaaq. Aqqusineq ataatsimut pisinnaarnut aqquteqartillugu Kuanninnguani pisinnaat aqqutaannut atasumik pilersinneqassaaq, taamaammat aqqut pisinnaarnut ataqatigiisooq isumannaatsorlu pilersinneqassaaq. Tamatuma saniatigut biilertartunut pisinnaarnullu isumannaallisaaneq annertusarniarlugu, aqqusineq pisinnaarnullu aqqusineq qulleqartinneqassapput. Taamaammat angallattunut tamanut aqqutigiuminarsaallunilu atoruminarsarneqassaaq. Takuuk ilanngussaq 2.

ILLULIORTAASEQ

Kommunalbestyrelse Illuliortaatsimut Politikkimik akuerissuteqarnikuuvoq, tassani kommunimi ilaatigut nutaanik sanaartornermi naleqartinneqartut allassimallutik. Immikkoortup ilaanut matumunnga atuuttut naleqartitat ilagaat:

ILLULIORTAASEQ KINAASSUSEQALERSITSISOQ

- illut illoqannginnersallu nutaat oqaluttuarisaanitsinnik tunngaveqarlutillu pisuunngortitsinerulissapput
- illut illoqannginnersallu nutaat illut akornisigut uummaarissutsimik qulakkeerinnittumik inunnut naleqqussarneqassapput illoqannginnersallu inunnut tamanut pitsaasumik toqqissisimanartumillu pilersitsissallutik

PIFFISSAQ SUMIIFFISSARLU

- illut sanaartukkallu nutaat sumiiffiup pitsaassusiinik qaffassaasuussapput, piffissaq atuuttoq eqqumaffigineqassaaq, piffissarlu qaangiutereersoq siunissamilu pisussat ataqqineqarlutik
- nunap ilusaa pioreersoq sumiiffimmilu silap pissusia aallaavigalugit pilersaarusiortoqassaaq, sanaartortoqarluni atortulersuisoqarlunilu.

NUNARSUARMI ANGUNIAKKAT

Naalagaaffiit Pegatigiit nunarsuarmi anguniagaat pilersaarusiornermi sakkussatut atorineqassasut 2019-ip aallartinnerani kommunalbestyrelsimit akuersissutigineqarpoq. Kommunimut pilersaarummut tapiliussaq immikkoortunut arfinilinnut ukununga attuumassuteqarpoq:

Pilersaarut nunarsuarmi anguniakkanut nr. 8, 9, 11 aamma 12 attuumassuteqarpoq:



1.5 PILERSAARUSIANUT ALLANUT TUNNGATILLUGU PISSUTSIT

1.5.1 NUNA TAMAKKERLUGU PILERSAARUSIORNEQ

Kommunimut pilersaarummut tapiliussaq nuna tamakkerlugu pilersaarusionermut naapertuuppoq.

1.5.2 KOMMUNIMUT PILERSAARUT

Kommunimut pilersaarummut tapiliussamut siunnersuut kommunimut pilersaarummut atuuttumut naapertuuppoq.

1.5.3 QANGANITSAT ERIAGISASSAT IMAALIALLAANNARLUGIT PEERNEQARSINNAANGITSUT

Sumiiffimmi qanganitsanik eriagisassaqaarnersoq Kommuneqarfik Sermersuumit ilisimaneqanngilaq. Sumiiffimmi nunami suliaqarneq Eqqissisimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq naapertorlugu pissaaq.

1.5.4 AVATANGIISIT

Assaanermi paasinarsippat immikkoortumi nuna mingutsitaasoq Kommuneqarfik Sermersooq ernertumik ilisimatinneqassaaq.

Eqqakkanik avatangiisimut navianaatilinnik suujunnaarsitsinerit, assersuutigalugu nuna uuliamik mingutsinneqarsimasoq, kommunimi eqqagassalerineq pillugu malittarisassat aamma suliaasaqarfik tamanna pillugu inatsisit naapertorlugit pissapput.

1.5.5 TEKNIKKIKKUT PILERSUUTIT

Inissialiat nutaat pisortat innaallagissamut imermullu aqqutaataannut aamma kuuffissuarnut attavilerneqassappuq.

Innaallagissamik, imermik kissamillu pilersuinerimut aqqutit aamma kuuffissuit nunap iluatigoortinneqassapput.

Sanaartorfissaq 9-mi aamma 10-mi pisortat teknikkikkut atortulersuutaat, soorlu immikkoortup ilaanut pilersuinerimut sakkortusaaviit imaarsaatillu inissinneqarsinnaapput. Inissiinissaq Nukissiorfiup Kommuneqarfik Sermersuullu akornanni isumasioqatigiinnikkut pissaaq.

KIASSARNEQ

Immikkoortup kiassarneqarnissaa Nukissiorfinni malittarisassat malillugit pissaaq.

KUUFFILERSUINEQ

Inissialiat imikoq pillugu iliuusissatut pilersaarut naapertorlugu pisortat kuuffissuaataannut attavilerneqassapput.

Nunap qaavani imeq, tamatumunnga ilanngullugu imeq illup qaavanit kuuttoq kuuffissuuartigoortinneqassanngilaq, kussinernulli kuutsinneqassalluni, taamaalilluni immikkoortumi sanaartukkanut allanut, pisuinnaat aqqutaannut, aqqusinernut sanaartorfiunngitsunullu akornusersuutaassanani.

EQQAAVILERINEQ/ANARTARFILERINEQ

Immikkoortuq Kommuneqarfik Sermersuumi eqaagassalerinermut aaqqiinnermut malittarisassaanut sukkulluunniit atuuttunut ilaatinneqarpoq.

APUTAAJAANEQ APUTILLU ASSARTORLUGU PIIARNEQARTARNERA

Kommuneqarfik Sermersooq isumaqatigalugu aput piiarneqartassaaq. Sanaartornerup nalaani aputaajaanermut malittarisassat malillugit kommunimut akisussaaffimmik tunniussisoqassappat tamassuma tungaanut immikkoortup aputaajartarnissaanut pilersaarummik piginnittoq akisussaavoq.

SANAARTORFISSAGISSAANERNUT ANINGAASARTUUTIT

Sanaartugassatut qinnuteqaatip *Sisorarfiup avannaani inuussutissarsiteqarfiup* piviusunngortinneranut atatillugu, sanaartorfissagissaanermut aningaasartuutit pilersaarummik piginnittumit aningaasartuutigineqassapput.

1.5.6 PILERSAARUTINIK ATORUNNAARSITSINEQ

Matumani kommunimut pilersaarummut tapiliussassatut siunnersuutip 4B10-1-ip akuersissutigineqarneratigut immikkoortup ilaa periarfissatut immikkoortutut atorunnaassaaq matumani illoqarfiup ilaanut pilersaarummi aalajangersakkat sukumiisut akuersissutigineqassammata.

1.5.7 TAMANUT SAQQUMMIUSSINEQ

Siunnersuut sapaatit akunnerini arfineq-pingasuni tamanut tusarniaassutigineqassaaq piffissami 10. septembari – 5. novembari 2025

1.6 PILERSAARUTIP INATSISITIGUT ATUUFFII**1.6.1 INATSISITIGUT ATUUFFIUGALLARTUT**

Kommunimut pilersaarummut tapiliussassatut/illoqarfiup ilaanut pilersaarutit siunnersuutip tamanut saqqummiunneqareernerani nunaminertat, illut sanaartukkallu siunnersuummi pineqartut illuliorfigineqassanngillat allatigulluunniit kommunimut pilersaarutip imaluunniit kommunimut pilersaarummut tapiliussap inaarutaasup imarisaanut sioqqutsisutut isikkoqarsinnaasumik iluaqutiginiarneqassanatik (Pilersaarusiornermut inatsit § 31).

Akerliliisinaanermut piffissaliussap naareernerani, piffissaagallartillugu akerliliissutitik tigusaqartoqarsimangippat nunaminertap siunnersuummi pineqartup, siunnersuummut

naapertuuttumik illuliorfigineqarnissaa imaluunniit allatigut iluaqutigineqarnissaa Kommunalbestyrelsip akuerisinnaavaa (Pilersaarusiornermut inatsit §31 imm. 2).

Inatsisitigut sunniutaagallartut kommunimut pilersaarummut siunnersuutip tamanut nalunaarutigineqarnissaata tungaanut atuutissapput – taamaattorli siunnersuutip saqqummiunneranit sivilunerpaamik ukiumi ataatsimi. (Pilersaarusiornermut inatsimmi § 31 imm. 3).

1.6.2 INATSISITIGUT INAARUTAASUMIK ATUUTILERSINNEQARNERA

Kommunimut pilersaarutip piviusunngortinneqarnissaanut Kommunalbestyrelse suliniuteqassaaq, tassunga ilanngullugu nunaminertanik atugassiinerit. (Pilersaarusiornermut inatsit § 29).

Kommunimut pilersaarummut tapiliussap matuma inaarutaasumik akuerineqarnera tamanut nalunaarutigineqareerpat, kommunimut pilersaarummut tapiliussamut inatsisitigut piviusumilluunniit akerliusumik pissutsinik pilersitsisoqassanngilaq. (Pilersaarusiornermut inatsimmi § 30).

Pisulli ilaanni aalajangersakkanit sukumiisunit nikingasoornerit illoqarfimmut pilersaarummi aalajangersakkat sukumiisunit annikinnerusunut immikkut ittumik akuersissuteqartoqarsinnaasarpog. Nikingasoornerit pingaarnert aamma aalajangersakkanit pingaarnert nikingasoornerit pissutigalugit nutaamik kommunimut pilersaarummut tapiliussaliortoqassaaq. (Pilersaarusiornermut inatsimmi § 50).

Nunaminertanik, illunik atortunillu manna tikillugu unioqqutitsinani atuinert ingerlaannarsinnaapput, akerlianilli illunik atuinert allannngortinneqarnerat nutaanilluunniit illuliornerit kommunimut pilersaarummut tapiliussamut akerliussanngillat.



Kommunimut pilersaarummut tapiliussap malitsigisaanik imaanngitsog nunaminertat, illut atortulersuutillu pilersaarummi ilaatinneqartut, pilersinneqassasut.

2. AALAJANGERSAKKAT

Kommunalbestyrelsip makku aalajangersakkat ”Pilersaarusiorneq aamma nunaminertat atorneqartarnerat pillugit Inatsisartut inatsisissaannik nalunaarutaat nr. 4, 25. januar 2024-meersoq (Pilersaarusiornermut inatsit)” malillugu aalajangersarneqarput.

Aalajangersakkat § 20 aalajangersakkanut pingaarnernut aamma § 22 aalajangersakkanut sukumiisunut avitaapput.

Aalajangersakkat tamarmik inatsisitigut pituttuisuupput, taamaattorli pissutsini immikkut ittuni, sumiiffimmut pilersaarummi aalajangersakkanit sukumiisunit immikkut akuersissummik tunniussisoqarsinnaavoq. Pingaarnertut aalajangersakkat pilersaarummi tunngavigineqarput, taamaattumillu aalajangersakkanit taakkunannga immikkut ittumik akuersissuteqartoqarsinnaanani.

§ 20. AALAJANGERSAKKAT PINGAARNERIT	NUTAAT § 20. NAJOQQUTASSATUT AALAJANGERSAKKAT PINGAARNERIT
IMMIKKOORTUP ILAANIK KILLEQARFILERSUINEQ	
Immikkoortup ilaani nuntaminertaq 22 ha. missaani annertussuseqarpoq	Immikkoortup ilaani nuntaminertaq 22 ha. missaani annertussuseqarpoq
	
1. SIUNERTAQ	

NALINGINNAASUMIK ATORNEQARNERA: B – Inuussutissarsiorfik umiarsualiveqarfilla	NALINGINNAASUMIK ATORNEQARNERA: B1 – Inuussutissarsiateqarfik IMMIKKUT SIUNERTAQ: • Atuinertaa inuussutissarsiornermut siunertamut aalajangersassasoq • Immikkoortup ilaa 4B10 immikkoortut ilaannut A-mut aamma B-mut avinneqassasoq • Immikkuualuttoq A-mi sanaartorfissaq qulit immikkoortut tullerriaarlugit utaqqiisaasumik ujaqquvimmii inuussutissarsiornermut nunaminertanut allanngortikkiartuaarneqassasut • Ujaqqeriviup 3E5-imilu immikkuualuttup D-p akornanni nunataata pissusissamisoortumik manissumillu aqquteqarnissaa qulakkeerneqassasoq • Immikkuualuttoq A-mi sukisaarsarnermut aqqusineeqqat kiisalu immikkoortumi aqqusineeqqat attatiinnarneqassaat imaluunniit allanngortinneqarnissaat pilersaarusiornermut piginnittumit qulakkeerneqassasut • Kuanninnguit / Isertitsiviit eqqaatigut kaajallattarissamiit immikkoortup ilaanut aqqusineqarnissaa kiisalu aqqusineeraqarnissaa ilanngunneqassasoq
2. ATUINEQ	
Immikkoortoq inuussutissarsiornermut siunertatut periarfissatut immikkoortut atugassanngortinneqassaaq. Qulaani atuinerup iluani sanaartugassatut qinnuteqaatit kommunalbestyrelsimiit tiguneqassapput.	stk.1 Immikkoortoq inuussutissarsiateqarnermut atugassiaavoq. Matumani entreprenørinut, toqqorsivinnut aamma quersuarunut, assassorfinnut, sannavinnut, nioqqutissiornermut, assartuinermut, suliffissuarunut, inissiivinnut, nioqqutini amerlasoorpassuakkaanik niuerner-mut aamma teknikkikkut atortuusivinnut. Matumani illup iluani oqattaariffik, qamuterallannut haali assigisaanilluunniit peqatigiiffimmik siunertamut. stk.2 Inuussutissarsiateqarnermut nunaminertanik ujaqqanik atuinissamut kiisalu sanaartorfissagissaanissamut

	utaqqiisaasumik ujaqquvimmik akuersissuteqartoqarsinnaavoq. stk.3 Immikkoortumi anstaltimut imaluunniit timmisartut angallannerannut akornutaanngitsumik, aamma ilitsersuutit qaqugukkulluunniit atuuttut naapertorlugit kapitali 5-inik suliffeqarfiit akuerisaasinnaapput. stk.4 Nakkutilliisumut inissianik sanaartor- toqarsinnaanngilaq. stk.5 Silaannakkut isumannaallisaaneq eqqarsaatigalugu, immikkoortumi timmissat ornigussortarnissaannut imaluunniit mittarfimmut nunaminertaq qulaallugu teqqaasinnaasunik pisoqaqqusaajunnaarlugu immikkoortumi atuneqassanngilaq stk.6 Qulaani atuinerup iluani immikkuualuttoq B-mi sanaartugassatut qinnuteqaatit kommunalbestyrelsimit tiguneqassapput.
3. SANAARTORNEQ	
Immikkut aalajangersagaqanngilaq	Timmisartut aalarulunnissaannik pinngitsoortitsinissamut mittarfiup piumasaqaatai sanaartukkani nutaani ataqqineqassaaq.
4. INISSAQARTITSINEQ	
Immikkut aalajangersagaqanngilaq	Immikkuualuttoq A-mi sanaartorfissat 1-10 atorneqareerpata, sanaartorfissat angissusaat inissisimanerilu apeqqutaallutik, immikkoortup ilaani illunut qulit missaannut inissaqalissaaq. Immikkuualuttoq atorneqartinnagu immikkuualut- toq B pillugu illoqarfiup ilaanut pilersaarummik suliaqartoqassaaq. Teknikkikkut atortuusiviit pillugit aalajangersak- kat atuuttut naapertorlugit, immikkoortumi teknikikkut atortuusiviit akuerisaapput.
5. ERIAGISARIALIT	
Immikkut aalajangersagaqanngilaq.	Immikkut aalajangersagaqanngilaq.
6. ISUMANNAALLISAANERMUT KILLEQARFILIUSSAT	
Mittarfiup eqqaani immikkut ittumik aalajangersagaqarpoq, mittarfiup tallissutaatut atuuttunik, narlorissup iluani aamma nunap immamit qatsinnerussusianut aalajangiussat	Mittarfiup eqqaani immikkut ittumik aalajangersagaqarpoq, mittarfiup tallissutaatut atuuttunik, narlorissup iluani aamma nunap immamit qatsinnerussusianut aalajangiussat

iluanni mikkiartornermi qangattalernermilu akornutaasoqaqqunagu. Immikkoortoq mittarfimmut aporfeqanngitsup ataaniippoq, narlorissullu inissisimanerata ilaanut ilaalluni. Inissianut, sanaartukkanut aqqusinniornissamullu portussutsit portunerpaaffigisassa at assigiinngiaarput, mittarfimmiillu ungasissuseq aamma qeqqani titarnermut teqeqqorissumik ungasissuseqarnera aallaaviussaaq.	iluanni mikkiartornermi qangattalernermilu akornutaasoqaqqunagu. Immikkoortoq mittarfimmut aporfeqanngitsup ataaniippoq, narlorissullu inissisimanerata ilaanut ilaalluni. Inissianut, sanaartukkanut aqqusinniornissamullu portussutsit portunerpaaffigisassa at assigiinngiaarput, mittarfimmiillu ungasissuseq aamma qeqqani titarnermut teqeqqorissumik ungasissuseqarnera aallaaviussaaq.
7. ANGALLANNEQ PILERSUINERLU	
	Immikkoortoq Kuanninnguaniit / Isertitsivinniit aqqusineqartinneqassaaq (Takuut ilanngussaq 2).
8. ILLOQARFIMMIK NUTARTERINEQ	
Immikkut aalajangersagaqanngilaq	Immikkut aalajangersagaqanngilaq
9. IMMIKKOORTUKKUUTAAT	
Immikkut aalajangersagaqanngilaq	Immikkuualuttoq A immikkoortukkuutaatut inerisarneqassaaq: <u>1. Qaartiterineq sanaartorfissagissaanerlu:</u> Ujaqqeriviugallartumik pilersitsisoqarsinnaavoq. Ujaqqerivik immikkoortukkuutaatut tunngaviatigut ilanngussaq 5-imi takutinneqartut pilersinneqarsinnaavoq. Qaartiterinermi immikkoortukkuutaat kingorna tamatigut sanaartorfissagissaasoqarsinnaavoq, imaluunniit qaartiterinerit immikkoortukkuutaat tamarmik naammassineqareertillugit kingulliutinneqarsinnaapput. Nunaminertanik atuisitsinerit sanaartorfissanut tamanut kiisalu inissiivissanut nunaminertanut immikkut ataavartumik tunniunneqartassapput. <u>2. Sanaartorneq:</u> Inuussutissarsiuqarnermut siunertamut atugassanik inissialiortoqarsinnaavoq, § 20, 2 innersuussutigalugu. Taakkua qaartiterinerit sanaartorfissagissaanerillu tamatigut pereerneritigut sanaartorneqassapput. <u>3. Atuutilersitsineq:</u> inuussutissarsiornermut nunaminertanik atuutilersitsiartuaarneq aatsaat pisinnaavoq sanaartorfissatut atugassami inissiivittullu nunaminertami attuumassuteqartumi suliffeqarfimmik illersorsinnaasumik isumannaatsumillu ingerlatsisoqarsinnaalerpat. Oqartus-

	saaffeqarfinnit attuumassuteqartunit tamanna nalilerneqassaaq. Inissiisarfiugallartut matumani pineqanngillat. Immikkoortut tullerriaagassat oqartussaaffeqarfiit allat malittarisassaataat piumasaqaataallu pilersaarusiornermut suliallu naammassinissaanut atatillugu malinneqartussat kalluarsinnaavaat imaluunniit qaleriaatsissinnaavaat. Nunataanik qaartiterineq oqartussaaffeqarfiup attuumassuteqartup malittarisassai naapertorlugit pissaaq, aamma mittarfimmi akuersisummik peqartumit akuerineqassaaq.
10. NUNA TAMAKKERLUGU PILERSAARUSIORNERMI SOQUTIGISAT	
Immikkut aalajangersagaqanngilaq	Immikkut aalajangersagaqanngilaq
11. IMMIKKOORTUT SANAARTORFIGEQQUSAANNGITSUT	
Immikkut aalajangersagaqanngilaq	Immikkut aalajangersagaqanngilaq

§ 22. ILLOQARFIUP ILAANUT PILERSAARUMMUT AALAJANGERSAKKAT SUKUMIISUT	
1. SANAARTUKKAT INISSISIMAFFIA	
Stk. 1:	Nutaamik sanaartukkat ilanngussami 2-mi takutinneqartutut sanaartorfissat iluiniissinnaapput.
Stk. 2:	Sanaartorfissat minnerpaamik 70 %-ii sanaartorfigineqassapput.
Stk. 3:	Nutaamik sanaartukkat avannamut/kujammut imaluunniit kangimut/kimmut sammitinneqassapput. Takuuk ilanngussaq 3.
Stk. 4:	Inissiiviit nunaminertat 1-8 ilanngussaq 2-mi takutinneqartutut portussusissaannut qaartiterneqassapput, aamma inissiiviit nunaminertani tamani tummeqqartut ilusilinnik aneerasaartarfilerneqarsinnaapput.
Stk. 5:	Inissiiviit nunaminertat 1-8 sanaartorfissanik nunaminertanik atugassinneqartunit taamaallaat qinnutigineqarsinnaapput.
Stk. 6:	Sanaartukkat tunngaviatigut ilanngussaq 2-mi takutinneqartutut qaninnerpaamik 5 m-imik inissiiviit nunaminertap killeqarfianut ungasissuseqaqqusaapput.
Stk. 7:	Sanaartukkat minnerit inissiivik nunaminertami attuumassuteqartumi annerpaamik 12,5 m ² -it sanaartorneqarsinnaapput.

- Stk. 8:** Containerinik silamilu allanik inissiineq inissiivik nunaminertani aalajangiunneqarsimasuni ilanngussaq 2-mi takutinneqartutut taamaallaat pisinnaavoq.
- Stk. 9:** Sanaartorfissat katiterneqarsinnaapput taamaalluni nunaminertaq atoriaannaq anginerusoo anguneqassaaq. Kattunneranni inissiisarfii/sanaartorfissat ilanngussaq 2-mi takutinneqartutut portussusaannut ammut qaartiteriffigeqqinneqarsinnaanngillat.
- Stk. 10:** Immikkuualuttoq kangimut, kujammut kimmullu sammisoq sillimaniarneq sanaartornermilu malittarisassatigut piumasaqaatit eqquutsinniarlugit ungalulersorneqassaaq. Takuuk ilanngussaq 2.

2. SANAARTUKKAT ISIKKUI

SANAARTUGAQ

- Stk. 1:** Nutaamik sanaartukkat pingasunik qulereeqarsinnaapput, nunataata suliarineqartup portunerpaamik 15 meterinik portussuseqarlutik. (Sanaartukkani teknikkikkut ikkussugassat soorlu pujoorfiit, silaannarissarfiit assigisaallu ilaatinneqanngillat)

SANAARTUKKAT SILATAAT

- Stk. 2:** Illut silataasa iigai atortut uku arlaat atorineqassapput: qisuk imaluunniit pladit ilusillit, ilanngussaq 4 innersuussutigalugu.
- Stk. 3:** Illut silataasa iigai makkuninnga qalipaateqartinneqassapput, ilanngussaq 4 innersuussutigalugu.
Sanaartukkat ataasiakkaat qalipaatinik assigiinngitsunik pingasunik amerlanerusunik qalipanneqaaqqusaanngillat. Igalaat aamma matut, sinarsui il. il. tamatumunnga ilaallutik.
- Stk. 4:** Illup silataani iigaasa qillissusaata 40 qaangissanngilaa.
- Stk. 5:** Isaarissat pisinianut tunngassuteqartinneqartut, soorlu pisiniafinni / niuertitsivinni aamma allaffeqarfinni, ilanngussaq 4-mi takutinneqartutut illut sukumiisumik tunngaviusumillu nalunaaqutsersorneqarsimassapput.

ILLUP QAAVI

- Stk. 6:** Illup qaavi sivingasuujutinneqarlutik sanaartorneqassapput. Illup qaavi minnerpaamik 7° aamma 45° akornanni sivinganeqartinneqassapput
- Stk. 7:** Illup qaavi pappiliarsuarmik taartumik, zinkimik, kanngussamik, saviminermik imaluunniit aluminiamik sisammilluunniit sinuspladiusunik qallerneqassapput aamma qinngornermik inngianartumik kinguneqassanngillat, annerpaamik qillarissuseq 40 atorineqassaaq.
- Stk. 8:** Aniingasut inerteqqutaapput.

ELEVATORIT, MAJUARTARFIIT AAMMA MAJORALLAFFIIT

- Stk. 9:** Elevatoreqarfik majuartarfiillu illup titartarneqarnerisa iluini ilaatinneqassapput, aamma sanaartorfissap killeqarfia qaangeqqusaanngilaa.

ALLAGARTAT

Stk. 10:	Sanaartukkani ataasiakkaani suliffeqarfinnut illumiittunut pigineqartutut atajuartussatut allagartat suliffeqarfiup aqqanik atuuffianillu takutitsisunut taamaallaat allagartaliisoqarsinnaavoq.
Stk. 11:	Allagartat qaammaqqusersorneqarsinnaapput avatangiisinulli akornutaanatik, matumani nunakkut, imaatigut silaannakkullu angallattut ilanngullugit. Matumani ilaatinneqarpoq qaammaqqusersuinerit ammut qaammaqqatinneqassasut nuttartuussanngitsorlu. Allagartat fjernsynitut skærmiuteqqusaanngillat, ikeqattaartoqqusaanngillat allatigulluunniit nikerartunik qaamaaqutaqqusaanngillat.
3. AQQUSERNGIT AQQUSINEEQQALLU	
Stk. 1:	Aqqusinerngit aqqusineeqqallu ilanngussaq 2-mi takutinneqartutut sananeqassapput.
Stk. 2:	Kommunip ilitsersuutaa naapertorlugu aqquserngit sananeqassapput.
Stk. 3:	Kommunip ilitsersuutaa naapertorlugu aqquserngit aqqusineeqqallu qulleqarnissaat qulakkeerneqassapput. Aqqusinerimi, aqqusinikkut aqqusineeqqakkullu qulleqartitsinerimi atortunik toqqaaneq pillugu Nukissiorfiit ingerlatsinikkut malittarisassai naapertorlugu, aqqusinerimi qulliit pilersinneqassapput. Qulliit avatangiisinut akornutaassanngillat, matumani nunakkut, imaatigut silaannakkullu angallattut ilanngullugit.
Stk. 4:	Aqqusineeqqat minnerpaamik 2 meterinik silissuseqartillugit pilersinneqassapput. Aqqusineeqqat aalajangersukkanik qallersorneqassapput.
Stk. 5:	Uninngasarfiit pillugit ileqqorineqartoq naapertorlugu bilinut uninngasarfiliortoqassaaq, kommunip pilersaarutaanut atuuttumut aalajangikkamik.
Stk. 6:	Cykelinik inissiivissat pillugit ileqqorineqartoq naapertorlugu cykelinut inissiiviliortoqassaaq, kommunimi pilersaarummut atuuttumi aalajangikkamik.
Stk. 7:	Ileqqorineqartoq naapertorlugu bilinut innaallagiartortunut ladestanderit pilersinneqassapput, kommunip pilersaarutaanut atuuttumut aalajangikkamik.
4. NUNAMINERTAT SANAARTORFIGINEQANNGITSUT SUNNGIFFIMILU ATORTULERSUUTIT	
Stk. 1:	Nunap immersornerani, sanaartorfissagissaanermi il. il. sialummit imeq apitillu aanneranit imeq kussinernut kuutsinneqassaaq. Immikkoortumi kussinerit ilanngussaq 2-mi takutinneqartutut atugassanngortinneqassapput.
Stk. 2:	Kusserngit suliarineri alliliineq immikkoortunngorlugu pilersaaruseriorfik tamaat isumagineqartussaagaluartoq, sialummit aputillu aanneranit imeq kuuttoq isumagineqarsinnaasariaqarpoq.
5. TEKNIKKIKKUT ATORTULERSUUTIT	
Stk. 1:	Sanaartukkat nutaat pisortat innaallagissamut imermullu aqqutaannut kiisalu kuuffissuaataannut attavilerneqassapput.

Stk. 2:	Innaallagissamik, imermik, kuuffissuarmik kissamillu aqputit nunap iluatigoortinneqassapput.
Stk. 3:	Immikkoortup iluani teknikkikkut atortulersuutit soorlu transformerstationit, imaarsaatit il. il. inissinneqarsinnaapput. Aqquserngit sanaartornerini killissaat malinneqassapput.
6. NUNAMINERTAT SANAARTORFIGINEQANNGITSUT	
Stk. 1:	Ujaqquqeriviup pineqartup aamma KPT 3E5-6-imi kimmut immikkuualuttoq D-mi ujaqquqeriviup akornanni nunataa pissusissamisoortoq manissorlu qulakkeerneqassaaq
Stk. 2:	Immikkoortut sanaartornissamut, inissiivinnut attaveqaasersuutinullu aamma imm. 4.1-imi ilaatinneqanngitsut sanaartorfigineqassanngillat aamma pissutsimittut isikkoqartinneqassapput.
Stk. 3:	Inuussutissarsiteqarfinni qullit avatangiisinut akornutaassanngillat, matumani nunakkut, imaatigut silaannakkullu angallattut ilanngullugit.
7. ERIAGINNINNEQ	
Immikkut aalajangersagaqanngilaq	
8. PINNGORTITAMIK ILLERSUINISSAMIK SOQUTIGISAT	
Immikkut aalajangersagaqanngilaq	
9. NUNALERALUNI NUNAMIK ATUINISSAMIK SOQUTIGISAT	
Immikkut aalajangersagaqanngilaq	
10. ATAATSIMUT ATORTULERSUUTIT	
Immikkut aalajangersagaqanngilaq	
11. PIGINNEQATIGIIFIIT	
Stk. 1:	Immikkuualuttumi ataatsimut soqutigisanik isumaginnittussanik piginnittut peqatigiiffiannik pilersitsisoqarsinnaavoq. Peqatigiiffiup ilatigut ataatsimut atortuusivinnik ingerlatsineq aserfallatsaaliinerlu akisussaaffigissavai (aamma ukiukkut allanngutsaaliineq).
Stk. 2:	SANAARTORFISSAGISSAANERMUT ANINGAASARTUUTIT Pilersaarusiormut qinnuteqaatip <i>Sisorartarfiup avannaani inuussutissarsiteqarfiup</i> piviusunngortinnissaanut atatillugu sanaartorfissagissaanermut aningaasartuutit, pilersaarutit piginnittumit aningaasartuutigineqassapput.
12. AVATANGIISINIK MINGUTSITSINERMI KILLISSARITITAASUT	
Immikkut aalajangersagaqanngilaq	

13. ILLUT NUKISSIUUTINIK ATUINIKITSUT

Immikkut aalajangersagaqanngilaq

14. SANAARTORFISSAT PIUMASAQAATEQARFIUSUT

Immikkut aalajangersagaqanngilaq

17. ATUILERNISSAMUT PIUMASAQAAT


Sanaartukkat nutaat aatsaat atorneqarsinnaanngussapput:

- Stk. 1:** Sanaartukkat nutaat § 22 5, imm. 1 naapertorlugu pisortat innaallagissamut, imermut kiassarnermullu kiisalu kuuffissuaataannut attavilerneqassapput
- Stk. 2:** § 22 3, imm. 5-7 naapertorlugit bilinut uninngasarfissamik atugassiisoqarpoq
- Stk. 3:** Imaarsaanissamut pilersaarut akuerisaq pigineqarpoq
- Stk. 4:** Immikkoortukkuutaartumik qaartiterineq peqqutaalluni, sanaartorfissami inissiivittullu nunaminertami attuumassuteqartumi suliffeqarfiuteqarnissaq ingerlatsinissarlu illersorsinnaallunilu isumannaatsuussaaq. Tamanna oqartussaaffeqarfimmit attuumassuteqartumit naliliivigineqassaaq. Inissiiviugallartut pineqanngillat

3. AKUERSISSUTEQARNERMI ATSIORNERIT

Matumuuna kommunimut pilersaarummut tapiliussassatut 4B10-1-itut Sisorarfiup avannaani inuussutissarsuteqarfik pillugu siunnersuut maanna Kommuneqarfik Sermersuumi Aningaasaqarnermut Inuussutissarsiornermullu Ataatsimiititamit akuersissutigineqarpoq ulloq 22.08.25 aamma sapaatit akunnerini arfineq-pingasuni tamanut tusarniaassutigineqassaaq.

Kommuneqarfik Sermersooq ulloq 25.08.25



Avaaraq Olsen

Borgmesteri

//



Ole Jakobsen

Kommunaldirektøri

Siunnersuut tamanut saqqummiunneqarpoq ulloq 10.09.25

**ILISARNARATINUT
NASSUIAATIT/
SIGNATURFORKLARING**



Immikkoortup ilaa / Delområde



Immikkoortut ilai pioreersut /
Eksist. delområder

A, B

Immikkuualuttut / Detailområder



0 50 200 m.



KOMMUNEQARFIK SERMERSOOQ

Sanarfinermut Avatangiiisnullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq 4B10-1
Kommuneplantillæg 4B10-1

**ILANNGUSSAQ 1 / BILAG 1
IMMIKKOORTOQ / DELOMRÅDE**

Septembri 2025 //
September 2025

Uutuut / Skala: 1:7500
A4

ILISARNARATINUT NASSUIAATIT/ SIGNATURFORKLARING



Immikkoortoq / Delområde



Immikkuualuttunut A+B /
Detailområde A+B

1 - 10

Sanaartorfissat / Byggefelter



Kuuffeqarnissamut najoqqutassaq /
Princip for afvanding
Pisuinnaat aqquaat / Fortov



Inissiiviit / Oplagsarealer



Aqqusineq nutaaq / Ny vej
Aqqusernit / Vejbyggelinje



Aqqusineq nutaaq / Ny vej



Aqqusernit / Vejbyggelinje



Aqqusineeraq sukisaarsarfik /
Rekreativ sti




Qeqqagut qupperneq / Midterskel



Aqqusinissamut najoqqutassaq /
Princip for adgangsveje



Ungaloq / Hegn



KOMMUNEQARFIK SERMERSOOQ

Sanarfinermut Avatangiiisnulu Ingerlatsivik
Forvaltning for Anlæg og Miljø

Kommunimut pilersaarummut tapiliussaq 4B10-1
Kommuneplantillæg 4B10-1

ILANNGUSSAQ 2 / BILAG 2 NUNAP ASSINGI AALAJANGERSAKKANUT ALLAA- SERISANUT / DETALJEREDE BESTEMMELSER

Septembri 2025 //
September 2025

Uutuut / Skala: 1:1000
A4



KOMMUNEQARFIK SERMERSOOQ
 Sanarfinermut Avatangiiisnullu Ingerlatsivik
 Forvaltning for Anlæg og Miljø

Kommunimut pilersaarummut tapiliussaq 4B10-1
 Kommuneplantillæg 4B10-1

ILANNGUSSAQ 3 / BILAG 3
PILERSAARUTIT ASSILIARTALIAA /
ILLUSTRATIONSPLAN


Septembari 2025 //
 September 2025

Uutuut / Skala: 1:1000
 A4

ATORTUSSAT / MATERIALER




Assit innersuussutaasut aamma qalipaait akuerisaasut /
Referencebillede og farvenuancer



Illut silataata isikkua: Qisuk imaluunniit plade (aluminium, corten, fibercement m.m.)
Facade: Træ eller plademateriale (aluminium, corten, fibercement m.m.)

ISERTARFIK / INDGANGSPARTI



Nutaamik sanaartornermi pingaarnertut isaarissakkut allagartarsualersuinissamut najoqqutassaq /
Princip for skiltning ved hovedindgange ved ny bebyggelse



KOMMUNEQARFIK SERMERSSOOQ
Sanaarfinermut Avatangiiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq 4B10-1
Kommuneplantillæg 4B10-1

ILANNGUSSAQ 1 / BILAG 4
ILUSILERSUINERMI PERIUSEQ / DESIGNPRINCIPPER

Septembari 2025 //
September 2025

Immikkoortukkaartumik ineriartortitsineq


Immikkoortukkaartumik ineriartortitsinikkut suliaq piujuartumik ingerlanneqarnissaa qulakkeerneqassaaq. Ujaqqat immikkoortortanngortillugit aserorterneqassapput, immikkoortoq pilersaarusiorneqassaaq, tamatuma kingorna inuussutissarsiuteqarnermi nunaminertat pilersuinermi ledninginut sanaartorfissagissarneqassapput. Tamatuma kingorna attaveqaasersuutit pilersinneqassapput, naggataatigullu inuussutissarsiuteqarnermi illut inissiivinnullu nunaminertat sanaartorneqassapput.

Immikkuualuttoq A-mi sanaartorfissat arfineq-pingasut agguataarneqassapput immikkoortukkaartumillu ujaqquvimmiit inuussutissarsiuteqarfimmut allanngortikkiartuaarneqassapput. Ujaqquvik immikkoortup avannaatungaaniit sanaartorfissaq 1-ip 2-llu eqqaanniit aallartissapput, piffissallu ingerlanerani kujammut annertusartuaartinneqassapput. Inuussutissarsiorterminunaminertat ataavartumik sanaartorfissagissarneqassapput atuuffissaannullu nutaanut piareersarnear-tassallutik./

Etapevis Udvikling

En etapevis udvikling vil sikre en bæredygtig proces. Stenene brydes i fraktioner, området planeres, hvorefter erhvervsarealerne byggemodnes med forsyningsledninger. Derefter etableres infrastrukturen, og til sidst opføres erhvervsbygninger og oplagsarealer.

Detailområde A inddeles i 8 byggefelter, som gradvist i etaper, vil blive omdannet fra stenbrud til erhvervsområde. Stenbruddet vil starte i områdets nordlige del ved byggefelterne 1 og 2, og med tiden rykke gradvist mod syd. Erhvervsarealerne vil løbende blive byggemodnet og klargjort til deres nye funktion.



KOMMUNEQARFIK SERMERSOOQ
Sanarfinermut Avatangiiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq 4B10-1
Kommuneplantillæg 4B10-1

ILANNGUSSAQ 5 / BILAG 5
IMMIKKOORTUKKAARTUMIK INERIARTORTITSINEQ /
ETAPEVIS UDBYGNING

Septembri 2025 //
September 2025